



Chlaus-Aktion beim Baselbieter Regierungsrat vom 05.12.2006
Verse für die Regierungsräte

www.suedumfahrung-nein.ch

Samichlauseväsli für unseri Regierigsröt

Regierigsrötin, **Schneider**, liebi Frau
Nimm das Gschäng und lueg genau
Der jetzig Richtplan muesch verlooh
Und d'Südumfahrig falle loh
Denn ich sag Dir ohni gross tam tam
D'Zuekunft, die ghört ganz klar däm Tram

Regierigsrot, **Straumaa**, liebe Ma
Nimm das Gschäng und dänk immer dra
Du bisch zwar vo Wintersinge und chasch gut lache
Aber was sölle d'Buure im Leimetal mache
Denn uf dr Südumfahrig isches im Grosse und Ganze
Vil vil z'hert zum Härdöpfel pflanze

Regierigsrot, **Ballmer**, liebe Ma
Nimm das Gschäng und blib dra
Du bisch e guete Finanzdirekter gli
Wenn Du die Südumfahrig losch lo si
Denn suscht gits nur no mehr Verchehr
Und di Kasse, die isch gli leer

Regierigsrötin, **Pegoraro**, liebi Frau
Du bisch doch gscheyt und erscht no schlau
40ig-Tönner werde uf d'Umfahrig cho
Und so schnell nit wieder go
Drum nimm das Gschäng und due di bsinne
Denn die Laschter werde nur Gstank und Verstopfig bringe

Regierigsrotspräsident, **Wüetrich**, liebe Ma
Hesch Du di Regierig nit unter Kontrolle gha
Wo me eifach e so beschlosse het
Dass d'Südumfahrig in Richtplan set
Drum nimm die Ruete und due nit wiche
Wenn si im Fall die Südumfahrig nit wei striche